

জাতীয়

ঠাকুরগাঁও-১ আসন শূন্য ঘোষণা

প্রতিবেদক: ঢাকা প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



সংগৃহীত ছবি

দেশের ২৩তম রাষ্ট্রপতি নির্বাচিত হওয়ায় সংসদ সদস্য মির্জা ফখরুল ইসলাম আলমগীরের ঠাকুরগাঁও-১ আসনটি শূন্য ঘোষণা করা হয়েছে।

রাষ্ট্রপতি হিসেবে শপথ নেওয়ার সঙ্গে সঙ্গে তাঁর সংসদ সদস্য পদ শূন্য হওয়ার কথা আগেই জানিয়েছিলেন জাতীয় সংসদের চিফ হুইপ নূরুল ইসলাম মনি। তিনি জানান, রাষ্ট্রপতির দায়িত্ব গ্রহণের পর মির্জা ফখরুল আর সংসদ সদস্য বা মন্ত্রী থাকবেন না।

ফলে ঠাকুরগাঁও-১ আসনে উপনির্বাচনের প্রক্রিয়া শুরু হওয়ার পথ তৈরি হয়েছে। আসনটিতে পরবর্তী প্রার্থী কে হবেন, তা নিয়ে ইতোমধ্যে স্থানীয় রাজনৈতিক অঙ্গনে আলোচনা শুরু হয়েছে। বিএনপির সম্ভাব্য প্রার্থী হিসেবে মির্জা ফখরুলের ছোট ভাই ও ঠাকুরগাঁও জেলা বিএনপির সভাপতি মির্জা ফয়সাল আমিন এবং তাঁর মেয়ে ডা. শামারুহ মির্জার নাম আলোচনায় রয়েছে। তবে এখনো দলীয়ভাবে কোনো প্রার্থী চূড়ান্ত হয়নি।

মির্জা ফখরুল ইসলাম আলমগীর ২০ আগস্ট অনুষ্ঠিত রাষ্ট্রপতি নির্বাচনে জয়ী হয়ে দেশের ২৩তম রাষ্ট্রপতি নির্বাচিত হন।

আসনটি শূন্য হওয়ার পর নির্বাচন কমিশন উপনির্বাচনের তফসিল ঘোষণা করবে। এরপরই ঠাকুরগাঁও-১ আসনে নতুন সংসদ সদস্য নির্বাচনের আনুষ্ঠানিক প্রক্রিয়া শুরু হবে।

এ বিভাগের আরও খবর



ডেঙ্গু প্রতিরোধে সপ্তাহে অন্তত এক ঘণ্টা সময় দিতে হবে: প্রধানমন্ত্রী
রাজধানী ঢাকাসহ দেশের বিভিন্ন স্থানে ডেঙ্গুর প্রাদুর্ভাব বৃদ্ধি পাওয়ায় তিন মাসব্যাপী ডেঙ্গু প্রতিরোধ ও পরিচ্ছন্নতা অভিযান-২০২৬-এ উদ্বোধন করেছে...



জ্বালানি সংকট বর্তমান সরকারের তৈরি নয়, ফ্যাসিস্ট সরকারের তৈরি: প্রধানমন্ত্রী
গ্যাস-বিদ্যুতের সংকটের কারণে জনগণের যে ভোগান্তি হচ্ছে, সে বিষয়ে সরকার সচেতন বলে জানিয়েছেন প্রধানমন্ত্রী তারেক রহমান। তিনি বলেছেন, এই জ্বালান...



যতই প্রভাবশালী হোক, দুর্নীতি করলে ব্যবস্থা নেওয়ার আহ্বান রাষ্ট্রপতির
দুর্নীতিবাজ যতই প্রভাবশালী হোক না কেন, নিরপেক্ষ ও সুষ্ঠু তদন্তের মাধ্যমে তাকে আইনের আওতায় আনার জন্য দুর্নীতি দমন কমিশনের (দুদক) প্রতি আহ্বান...



ব্রিক্স সম্মেলনে ভারতে যাচ্ছেন না প্রধানমন্ত্রী: পররাষ্ট্র প্রতিমন্ত্রী
ভারতে অনুষ্ঠিত ব্রিক্স শীর্ষ সম্মেলনে অংশ নিচ্ছেন না প্রধানমন্ত্রী তারেক রহমান। আমন্ত্রণ জানানোর প্রক্রিয়া নিয়ে বাংলাদেশের
আপত্তি থাকায় সরকার...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/national/thakurgano-1-asn-shunj-ghoshna>